

Skupština Kantona Sarajevo

Admela Hodžić, zastupnica u Skupštini Kantona Sarajevo

Sarajevo, 24.06.2024. godine

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo, N/r predsjedavajućeg

Vlada Kantona Sarajevo, N/r premijera

Ministarstvo privrede Kantona Sarajevo

Ministarstvo za rad, socijalnu politiku, raseljena lica i izbjeglice Kantona Sarajevo

JU "Služba za zapošljavanje Kantona Sarajevo" Sarajevo

ZASTUPNIČKA INICIJATIVA

Na osnovu čl. 106 i 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) podnosim inicijativu Vladi Kantona Sarajevo, Ministarstvu privrede Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo i JU "Služba za zapošljavanje Kantona Sarajevo" Sarajevo, da poduzmu sve potrebne mjere i radnje kako bi u što skorije vrijeme kreirali „Projekt podsticaja zapošljavanja i saradnje između privrednika Kantona Sarajevo i osoba sa invaliditetom Kantona Sarajevo“, odnosno vaučeri za posao osobama sa invaliditetom koji bi privrednicima dali podsticaj i određene benefite prilikom upošljavanja osoba sa invaliditetom u Kantonu Sarajevo.

OBRAZLOŽENJE

Svjedoci smo da se u posljednje vrijeme osobe sa invaliditetom sve više žale da prilikom upošljavanja i korištenja projekata koje raspisuje JU "Služba za zapošljavanje Kantona Sarajevo" Sarajevo, ova populacija najmanje može da iskoristi svoje pravo za zapošljavanje. Brojni su razlozi ovakvog jednog diskriminirajućeg odnosa poslodavaca i osoba sa invaliditetom. Prema dosadašnjoj praksi, poslodavci se uglavnom prije odluče da uposle osobu koja nema određenih poteškoća, jer za osobe sa invaliditetom, u najvećem broju slučajeva, trebaju dodatna ulaganja za prilagođavanje određenog radnog mjesta i osiguranje višeg stepena sigurnosti za ovakve osobe na radu. Samo neki od primjera su: pristup i ulaz u preduzeće, unutar preduzeća izgradnja lifta ako ga nema, kada se radi o

slijepim i slabovidnim licima tu je osiguranje radnog prostora od opasnih uređaja, sredstava i materija, potrebno je obezbijediti dodatni kadar u slučaju asistencije na radu osobama sa invaliditetom i brojne druge primjedbe koje poslodavci direktno ili indirektno navode kao poteškoće.

Ali, ako se poslodavac i odluči uposliti osobe sa invaliditetom nema ustanove kojoj bi mogao aplicirati za dobijanje određenih dodatnih sredstava kako bi eventualno prilagodio i osigurao radno okruženje za ove osobe i sve su to dodatni troškovi koji ovu populaciju direktno ili indirektno diskvalificiraju prilikom pokušaja da koriste vaučere za posao koje JU “Služba za zapošljavanje Kantona Sarajevo” Sarajevo daje na korištenje nezaposlenim osobama koji su na evidenciji.

Poslodavce kada sve saberu i oduzmu, iako je to veoma grubo za prihvatiti, “jeftinije” košta uplata u **Fond za profesionalnu rehabilitaciju i osposobljavanje osoba sa invaliditetom Federacije BiH** lica sa invaliditetom, novčani iznos u visini 25% od prosječne plaće u Federaciji za svako lice sa invaliditetom koje su bili dužni zaposliti u skladu sa Zakonom.

Ovakva porazna činjenica nas dovodi do toga da ipak moramo reagovati i zbog jasnih primjedbi koje imaju osobe sa invaliditetom, prilikom pokušaja da koriste vaučere za zapošljavanje ali i zbog poslodavaca koji imaju svoje razloge.

Svjedoci smo koliko je programa za podršku i poticaj kreirano i objavljeno posljednjih mjeseci u Ministarstvu privrede Kantona Sarajevo a koji su se pokazali jako efikasni i korisni za privrednike proteklih godina. Ove godine ti programi su unaprijeđeni i prošireni zbog velikog interesovanja i dobrih ocjena i komentara privrednika koji su već nekoliko godina dio ove pozitivne priče u našem Kantonu.

Smatram da bi se ovakav jedan projekat i javni poziv mogao kreirati i za upošljavanje osoba sa invaliditetom u Kantonu Sarajevo uz određene benefite i poticaj za privrednike Kantona Sarajevo, a sve u cilju povećanja broja korisnika vaučera za upošljavanje osoba sa invaliditetom u Kantonu Sarajevo.

Pored programa za poticaj privrednicima, pa navešću samo dio:

1. Javni poziv za dostavljanje prijave za poticaj unapređenja poduzetništva u IT

- industriji, industriji globalnih poslovnih servisa, metalnoj industriji i drvnoprerađivačkoj industriji u svrhu novog zapošljavanja
2. Javni poziv za dostavljanje ponuda u svrhu izbora banke / banaka za plasman poticajnih kreditnih sredstava uz subvenciju kamatne stope
 3. Javni poziv za dostavljanje prijave za podršku mladima za osnivanje poslovnih subjekata
 4. Javni poziv za dostavljanje prijave za podršku za osnivanje poslovnih subjekata kategoriji stanovništva od 36-55 godina starosti
 5. Javni poziv za refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja
 6. Javni poziv za dostavljanje prijave u svrhu dodjele poticajnih sredstava za nova ulaganja u tehnološku modernizaciju i primjenu standarda kvalitete
 7. Javni poziv za dostavljanje prijave za poticaj razvoja ženskog poduzetništva
 8. Javni poziv za dostavljanje prijave za poticaj projektima promocije obrtništva

Smatram da bi ovoj impozantnoj listi pomoći i poticaja privrednicima u Kantonu Sarajevo bilo nešto najhumanije što možemo u raditi za ovu populaciju dodati i „Projekt podsticaja zapošljavanja i saradnje između privrednika Kantona Sarajevo i osoba sa invaliditetom Kantona Sarajevo, odnosno vaučeri za posao osobama sa invaliditetom kojim bi projektom privrednicima dali podsticaj i određene benefite prilikom upošljavanja osoba sa invaliditetom u Kantonu Sarajevo.

Pozivajući se na **Zakon o radu Federacije BiH („Službene novine Federacije BiH“, br.: 26/16, 89/18, 23/20-odluka US, 49/21 i dr. zakon, 103/21-dr. Zakon, 44/22 i 39/24), Zakon o zabrani diskriminacije (“Službeni glasnik BiH”, br.: 59/09 i 66/16), te Zakon o profesionalnoj rehabilitaciji, osposobljavanju i upošljavanju osoba sa invaliditetom (“Službene novine Federacije BiH” broj: 9/10)** odluka za izradu i implementaciju ovakvog jednog projekta bila bi od velikog značaja za osobe sa invaliditetom Kantona Sarajevo.

Inicijativa je podnesena na zahtjev osoba sa invaliditetom Kantona Sarajevo.

Molim nadležne da što prije razmotre ovu inicijativu i krenu u realizaciju iste.

Admela Hodžić

Samostalna zastupnica u Skupštini Kantona Sarajevo